

ILEQQUUSUMIK

ataatsimeersuarnissamut aggersaaneq

2018

Nuuk 20/3



GrønlandsBANKEN



GrønlandsBANKEN, Aktieselskab, ileqquusumik ataatsimeersuartsissaaq marlungornermi 20. marts 2018 nal. 16.00 Nuummi GrønlandsBANKENip qullersaqarfiani, makku oqaluuserisassaattillugit.

1. Siulersuisut ukiumi qaangiuttumi aningaaseriviup ingerlasimaneranik nassuiaataat.
2. Ukiumut nalunaarummik kukkunersiuugaasumik saqqummiussineq aamma kukkunersuisut nassuiaataannik akuerisassamik saqqummiussineq aammalu siulersuisut pisortaasullu akissusaajunnaartinneqarnerannik nalunaruteqarneq, siulersuisut akissarsiaannik akuersisitsineq kiisalu ukiumut nalunaarut akuerisaasoq naapertorlugu sinneqartoorutit atornissaannik imaluunniit amigartoorutit matunissaannik akuersisitsineq. Malittarisassani § 16 naapertorlugu siulersuisut 1. januar 2018 aallarnerfigalugu akissarsiasarititanik allannguinnissamik inassuteqarput: Siulersuisutut suliaqarnermut atatillugu aaliangersimasumik akissarsiarititaasut siornatigut 75.000 kr.-iusimasut 125.0000 kr.-inut qaffanneqasasut aaliangiunneqarpoq, ingerlatiinnarneqarlunilu siulersuisunut siulittaasup tamatuma marloriaataanik akissarsinneqartamissaa (250.000 kr.) tullersortaasorlu aaliangersimasumik akissarsiap aappaata affaanik akissarsiaqartinneqassasoq (187.500 kr.). Ataatsimiititaliani sulinermut atatillugu akissarsiat allannguteqartinneqaratik taamaaginnassapput.
3. Siulersuisunit akissarsiaqartitsinnermut atatillugu siunnersuutaasut. Aningaaseriviup akissarsisiteriaasianik nassuiaatinut kiisalu assigiinngitsunik akissarsisitsisarnerit aqqutigalugit pissarsitinneqartartut pillugit. Inatsisini annertusisamik piumasaqaateqarnerup kingunerisaanik, siulersuisut akuerivaat akissarsisiteriaatsinut atatillugu annertusisamik nassuiaasiortoqassasoq, ilanngussaq tunngavigalugu ataatsimeersuartunut akueritinneqartussamik.
4. Aningaaseriviup piginneqataassutitut piinik pissarsisinnaanera pillugu siulersuisut siunnersuutaat. Siulersuisut siunnersuutigivaat, ukiup tulliani ataatsimeersuarnissap tungaanut aammalu piginneqataasutit 10%-iat killigalugu aningaaserivik piginnaatinneqassasoq aningaaseriviup piginneqataassutaanik pisisinnaanermut pisinnermi naliusooq atuuttoq tunngavigalugu nikittoqarsinnaanerani akueralugit qummut ammullu 10%-inik allanngortoqarsinnaanera. Malittarisassani § 7-imi allassimasut naapertorlugit piginneqataasunit siunnersuutitik saqqummiussisoqarsimanngilaq.
5. Siulersuisunut qinersineq: Malittarisassani § 13-imi allassimasut naapertorlugit Kristian Frederik Lennert, Frank Olsvig Bagger aamma Anders Jonas Brøns siulersuisunit tunuartussaapput. Siulersuisut siunnersuutigivaat Kristian Frederik Lennert aamma Anders Jonas Brøns qinerneqaqqissasut nutaatullu qinerneqassasoq Maliina Bitsch Abelsen aamma Ben Arabo. Qinigassatut inassutigineqartut tunuliaqutaat tunngavigisaallu, aningaaseriviup siulersuisuinut ilanngunneqarnissaannut inassuteqarnermut tunngaviusut, ullormut oqaluuserisassanut atatillugu imm. 5-imut ilanngussami takuneqarsinnaapput.
6. Avataaneersumik kukkunersiusisussamik qinersineq. Siulersuisut, Deloitte, Statsautoriseret Revisionspartnerselskab, kukkunersiuinnermut ataatsimiititaliaasup inassuteqarnera naapertorlugu, qinerneqaqqinnissaa siunnersuutigivaat. Kukkunersiuinnermut ataatsimiititaliaq pingajuusumit sunnerneqarsimanngilaq taamatullu ittumik isumaqatigiissuteqarsimanani, ataatsimeersuartut kukkunersiusisussamik kukkunersiusooqatigiiffimmilluunniit inassuteqarnissaanut killiler-suutaasinnaasunik.
7. Tamalaat.

Ullormut oqaluuserisassat, tamakkiisumik siunnersuutit, ukiumullu nalunaarut kukkunersiuugaasoq, ataatsimeersuarnissaq ullunik 14-iniksioqqutsisumik, aningaaseriviup Nuummi qullersaqarfiani, Imaneq 33-imiittumi, takuneqarsinaasunngorlugu saqqummersinneqassaaq.

Piginneqataasut periarfissaqarput – kingusinnerpaamilli ataasinngornermi 19. marts 2018 – Nuummi GrønlandsBANKENimi ataatsimeersuarnissamut isissutissanik oqaluuserisassallu allattorsimaffiannik tunineqarnissamut. Aammali pineqartut piniarneqarsinnaapput aningaaseriviup immikko-ortortaqarfii aqqutigalugit.

Ataatsimeersuarnissamut atatillugu piumasarisaavoq, isissutissat saaffiginnissutigalugit piniarneqarsimanissaat kingusinnerpaamik, ulloq 19. marts 2018.

Maluginiaqquneqarporlu ataatsimeersuarnermi taamaallaat taasisinnaatitaamma piginneqataasut, ataatsimeersuarnermut aggersaasoqartinnagu aningaaseriviup piginneqataasunik allatuiviani atertik atorlugu allanneqarsimasut imal. piffissap pineqartup iluani piginneqataasutisunik pisisimanerminik nalunaarutiginnillutillu uppersaasiisimasut. Taamatulli allanneqarsimanissamik piffissaliinerit atuutinnigillat ateq atorlugu piginneqataassutitut, tunniussinikkut pinngitsumik allatulli pissarsiarineqarsimasunut.

Aningaaseriviup piginneqataassutitut tunuliaqutigisaasa allassimasutut naliviat katillutik DKK 180.000.000 – iupput DKK 100 -ukkutaartunut aggulugaasut. Piginneqataassut DKK 100 –uusooq ataatsimeersuarnermi taasisutitut ataatsitut naleqarpoq.

GrønlandsBANKEN-ip 2017-imut nalunaarutaa aammalu ataatsimeersuarnissamut piginnaatitsissutit, aningaaseriviup Nuummi qullersaqarfianut allakkatigut saaffiginnilluni piniarneqarsinnaapput. Aamma ukiumut nalunaarut aningaaseriviup nittartaagaatigut www.banken.gl atuarneqarsinnaavoq.

Nuuk, ulloq 1. marts 2018

SIULERSUISUT



GrønlandsBANKENimi akissarsiaqartitsinermut politikki

GrønlandsBANKENip akissarsiaqartitsinermut politikkia atuuppoq, siulersuisunut, pisortamut aammalu atorfilinnut, aningaaseriviup navialiffiisinnasaan-anut sammisuni pingaarutilimmik sunniteqartumik inisisimasunut (navialiffiisinnasaanik akisussaaffinnik tigungminittut), kiisalu GrønlandsBANKENimi atorfilinnut sinneruttunut allanut.

Akissarsiaqartitsinermut politikki aqutugalugu siuarsarumaneqarpoq GrønlandBANKENimi peqqissumik pitsaasumillu navialiffiisinnasaanik aqutsinissaq kiisalu aningaaseriviup piginnittuunut piffissaq ungasissaq isigalugu nalitigut qaffakkiartortitsinissaq.

Akissarsiaqartitsinermik politikkip peqqissumik pitsaasumillu aningaasaqarnikkut aqutsineq annertunerusumik navialiffiisinnasaanut ingerlatitsinaveer-saamerup ingerlakkumaneqarneratigut pilersissallugit pitsaaliussallugillu eqqarsaatigilluagaangitsumik illuinnaasiortumillu aalingiisinnaanerit atuisunut piginnittunullu eqqormerluisinnaasut kiisalu ingerlatissallugit aningaaseriviup, piffissaq ungasinerusoq isigalugu, pisariaqaartitai anguniagaalu, aningaaseriviup niuernermik ingerlatsinermi periusissiaanilu nassuiarneqartut malillugit. Taaneqartut saniatigut akissarsiaqartitsinermut politikkip, aningaaserinermik ingerlatsisunut pequssusiami § 77 a-d-mi nr. 257-imi 14. marts 2017-imersumi aningaasarsiaqartitsinermut aamma CCR-imut atatillugu pequssusiami kiisalu Corporate Governance-imi inassutaasut naapertuisumik naammassissavai. Kiisalu aningaaserivimmi aningaasarsiaqartitsinermut tunngasut ataatsi-moortumik isumaqatigiissusiaasut malinniarpai.

Siulersuisut

Siulersuisut nikerartumik aggulugaasmik aningaasarsialersorneqarneq ajorput, aningaasarsiaqartitaasaratik, piginnittuussut siniktunineqartararik, periarfissanik isumaqatigiissuteqarfigineqartararik imalunniit soraanermusiassanik isumaqatigiissuteqarfigineqartararik. Siulersuisunut ilaasortat aaliangersimasumik akissarsitineqartarput, tassani siulersuisunut siulittaasoq marloriaammik siulittaasullu tullia akissarsiap aappaata affanik akilernerqartarlutik. Ukiumut naalunaarummi siulersuisunut akissarsiaritit annertussusiat takuneqarsinnaavoq.

Pisortaq

Pisortaq isumaqatigiissutaasoq naapertorlugu aningaasarsiaqartinneqarluni soraanermusiassaqaartinneqartarpoq, ukiumoortumik akiliunneqarluni feriarsinnaatitaasarluni, biileqartitaalluni, oqarasuaateqartitaalluni interneteqartitaallunilu. Atorfeqarnermini pisortap saniatigut sunilluunniit allanik aningaasarsiaqaqartitaaneq ajorpoq. Pisortallu soraanermusiassaasut ileqqaarneqartarput aaliangersimasumik aningaasarsiarititaasut 18%-ii, aammalu pissarsiasarineqartarluni soraanermusiassaasut/tunuarnerutsiassaasut aaqqiissusiaq, ata tungaani nassuiarneqartoq. Ukiumut naalunaarummi tamakkiisumik soraanermusiassaasut ilikartinneqartarput takuneqarsinnaapput.

Siulersuisut pisortaasorlu isumaqatigiissuteqarnikuupput soraanermusiassaasut tunniunneqartartussat aaqqiissutissamik, soraanermi atuutsinneqalerluni akilernerqartussamik. Ileqqaarineq tunniussassallu iluani ipput pisortaasup pisortap atorfeqarallarnissaanik aammalu aningaaseriviup pingaarnersiugaasutut angusaai tunngavigalugit pissarsiasai aallaavigalugit aningaasat sulisinnatitaasut annertussusiat. Tunuarnerutsiassaasut/soraanermusiassaasut tunniunneqartartussat affai (50%-ii) piginneqataasutit affaalu (50%-ii) tigussaasumik aningaasatut tunniunneqassapput, tunniunneqarsinnaasullu naleqqatigivaat qammatini 0 – 24-ini aningaasarsiarineqartussat.

Pingaaruteqartumik navialiffiisinnasaanik akisussaaffeqartut

Aningaaseriviup akisussaaffigititaanik aqutsisut aammalu aningaaservimmi nakkutilliinermik ingerlataqartut inissisimatinneqar-put aningaaserivimmi annertuumik navialiffiisinnasaanik akisussaaffeqartuusut, taamatullu inissisimasut naatsorsuunneqarput aningaaserivimmi pisortap tullia naatsorsuuserinermullu pisortaa.

Atorfillit, aningaaseriviup navialiffiisinnasaasa iluini malunnaatilimmik suliaqartut pingaarutilimmik suliaqartut (navialiffiisinnasaanik akisussaaffeqarlutik tigungminittuusut), nikerartunik annertussusilersugaasunik aningaasarsiaqartinneqanngillat, allatulluunniit isumaqatigiissuteqarfigisaasunik soraanermusiassanullu attuumassuteqartunik tunineqarsinnaanatik.

Navialiffiisinnasaanilli akisussaaffeqartut ataasiartamik annerpaamik 100.000 kr.-nik annertussuseqartumik ukiumut bonusitut iluanaarutisinnaneqarsinnaapput. Taamaattunillu tunniussissagaanni tunngavissat aallaavigivaat ukiup ilivitsup iluani sulinermi takutitsilluarsimanerit, tunngavissiaasumit sulerulunnerusariaqarsimanerit, naammagisimaamarluinnartumik takutitsisimanerit imal. immikkut ittumik aqutsisutut ingerlatsimanerit. Aningaasanik navialiffiisinnasaanik tigungmisaqartunut bonusitsinertit uuttuutit aaliangersimasut malillugit tunniunneqarneq ajorput, soorlu tuniniaanikkut, ingerlatsinikkut angusanik allatullunniit angusanik, tunngaveqartinneqartararik.

Navialiffiisinnasaanik nammataqartuusunut atatillugu tunuarnermi-/soraanermi tunniussassanik immikkut isumaqatigiissuteqar-toqarnikuunngilaq, kisiannili illuatungeriinnit soraanissamut qaammatit marlunnik sivitsugaasumik sioqqutsisumik isumaqatigi-gi-manisaaq aalingerneqarsimalluni. Qaffasissumik navialiffiisinnasaanik akisussaaffeqarnermut atatillugu soraanermusiassanngor-titaasut tamanut atuuttumik isumaqatigiissutsip sinaakkusiugaanerata iluaniipput.

Sulisorisat allat

Aaliangersimasumik tunngaveqarani imminerli angissusilikkamik bonusiassarsisitsineq

GrønlandsBANKEN tamakkiisumik isiginnineq tunngavigalugu immineq angissusilikkaminik ajunngitsorsiasarsisitsinnaavoq annerpaamilli 100.000 kr.-nik annertussuseqartumik. Annerpaamik katillugit aningaaseriviup aningasarsiarititaasa 2%-iannik annertussuseqartumik tamakkiisumik bonusisitsisoqarsinnaavoq. Taaneqartutut iliornissami tunngaviusarpoq ukiup ingerlanerani sulilluarsimanermik takutitsisimaneq, tunngavissianit annertunerusumik sulisariaqartarsimaneq, immikkut naammaginatut takutitsisimaneq aammalu immikkut ittumik aqutsisuusimaneq. Tassa bonusimik tunniussaqaarnerup angissusilerneqarnera uuttuutaasinnaasut atorlugit tunniunneqarneq ajorpoq soorlu tuniniaanermi, ingerlatsinermi allatulluunniit angusanik tunngaveqarani. Sulisulli nakkutilliinermik ingerlatsisuusut angusat pitsanerpaat tunngavigalugit akilerneqartarput. Aningaaserivimmiilli taaneqartutut tunniussisinnanerit tamakkiisumik aningaasarsiatut tunniunneqartartut 2%-iinit amerlanerussanngillat. GrønlandsBANKENip ataatsimeersuarnissamut aggersaassutaani inississimanernut aaliangersimasunut tunngasut immikkoortumut 3-mut ilassummi sammineqartut, iluini piumasatut ipput immineq angissusiligaasumik bonusiassarsisitsinerni sulisuusup immineq naliliisinnaassusia kiffaanngissuseqarne-ralu innarlerneqassanngitsut. Taaneqartut bonusissarsisitsinerni aaliangerneqartarput "isit sisamat isiginerat tunngavigalugu"-mik taallugu aaliangeeriaaseq atorlugu, tassani pisortarisap pineqartumut qaninnerpaarisaa, pisortap innersuussinera siulersuisullu akuersinerat bonusissarsisitsinernut aaliangisuusar-lutik.

Tamanut atuuttumik bonusisitsisarneq

GrønlandsBANKENimi sulisut sinneri eqqarsaatigalugit ataatsimut kaammattuusiinnaaneq/qiimmasaasiinnaaneq periarfissiissutaavoq, tassani angusat aaliangersimasut tunngavigalugit tunniussisoqarsinnaasunngorlugu, soorlu makku tunngavigalugit: Sulisut, Inuiaqatigiit, Periutsit, Sullissat aammalu Aningaasaqarneq. Taamatut ataatsimoortumik bonusisitsisinnaaneq aqutigalugu siunertaavoq sulisut ataatsimoortilluarnissaat ataatsimoomikkut anguju-mallugit aningaaseriviup piffissaq ugasinnerusooq isigalugu anguniagai. Ataatsimoortumik qiimmasaasiinermut annerpaamik tunniunneqarlutik atorneqar-sinnaapput aningaaserivip tamakkiisumik aningaasarsiaritittagaasa 4%-ii killiutillugu annerpaamik sulisumut ataatsimut 20.000 kr.-nik tunniussisinnaaneq. 2017-imi sulisumut ataatsimut tunniussat 13.500 kr.-usimapput. Bonusisitsisinnaanerlu taanna ukiumut ataasiarlugu nalilersuiffiqeqartarpoq.

Qulaani taakkartorneqartunut atatillugu atuutsinneqarpoq, aningaaserivip sulisumut aningaasarsiaqartitsinerani, siunnersuisartut aammalu akitsaqaler-sussanik sallunaveeqqutinilu imaqtartunik suliaqartartut allatulluunniit sanaartukkat tunngavigalugit sillimmasiinnissamik imaqtartunik suliaqartartut atatillugu aaliangiisoqassasoq, navalisinnanermik imaqtartunik kaammattuisoqartassanngitsooq, aningaaserivip navalisinnaaneranut killiussaasut qaangerlugit. Tamatuma saniatigut aningaasarsiaqartitsineq attuumassuteqartinneqanngilaq, qinnuteqartut qanoq amerlatigineranut, illuliortitsinernut taarsigassarsitinneqartut allatulluunniit aningaaserivip neqeroorutaasa iluini qassit tunisiffiqeqarsimanerat.

Akissarsisitsisarnermut ataatsimiititaliaq

GrønlandsBANKEN akissarsisitsisarnermut ataatsimiititaliamik pilersitsinikuuvoq, tassani issiallutik siulersuisunut siulittaasoq, tullerisaalu aammalu siulersuisunut sulisut sinniissuutarisaat ataaseq. Akissarsisitsisarnermut ataatsimiititaliap ukiut tamaasa siulersuisut pisortallu aningaasarsiaat nalilersortarpaat ilaatigut aallaavigalugit suliaqarnerup annertussusii aammalu sanilliussuisarlutik aningaaseriviit allat aningaasar-siaqartitsinerinut. Akissarsisitsisarnermut ataatsimiititaliap nakkutigisarpaa navialiffiusinnaasunik pingaarnernik akisussaaffeqartut aningaasar-siaqartitsinermut politikkimut naapertuuttumik aningaasarsiaqartinneqarnerat. Inatsisitigut piumasaqaatit, niuernermi suleriaatsip qanoq atoruminassuseqarnera aningaaserivillu ineriartornerata qanoq ingerlanera tunngavigalugit nalilersorneqartarpoq qanoq navialiffiusinnaasu-mik suliarineqartartut iluini sulisussatut ilassutinik toqqaasoqassanersoq. Akissarsiaqartitsinermut ataatsimiititaliap nakkutigisussaavai nikerarsinnaasu-nik aningaasarsianik tunniussisinnanerit, aamma isumannaagassaralugu nikerartunik annertussuseqarsinnaasunik taamaattunut politikkerisat avaqqullugit tunniussisoqartannginnissaa. Kiisalu akissarsisitsisarnermut ataatsimiititaliap isumannaagassarivaa, aningaaserivip aningaasarsisitsisarnernata aningaaserivip sulisullu ataasiakkaat soqutigisatigut naalleraatilersinneqannginnissaat. Bonusit tunniunneqartartut pingaarnerni, taassuma aataani aamma navialiffiusinnaasunik suliaqartunut bonusilliussutaasartut, aningaasarsiaqartitsinermut ataatsimiititaliamut saqqummiunneqartassapput.

Akuersisarneq ukiumoortumillu akissarsisitsisarnermut politikkimik misissuisarnissaq

Ukiut tamaasa akissarsiaqartitsinermut ataatsimiititaliap akissarsisitsisarnermut politikki misissortarpaa allannguutissanillu siunnersuuteqarsinnaasarluni siulersuisunut akuersissutigittassanik.

Siulersuisullu aamma ukiumoortumik akissarsisitsisarnermut politikki misissortassavaat nalilersorlugu taanna aningaaserivip ineriartorneranut naleqqus-sarneqartariaqarnersoq.

Akissarsisitsisarnermut politikkip siulersuisuni akuarinaqareernerup kingorna allannguuteqassappat allannguutit ataatsimeersuartunut akuersissanngor-tinneqartassapput.

Akissarsisitsisarnermut politikkip eqqortumik malinneqarnissaa aammalu ilumut tamatuma pinneranik nakkutilliineq

GrønlandsBANKENimi siulersuisut akisussaaffigivaat akissarsisitsisarnermut politikkip pilersinneqarnissaa.

GrønlandsBANKENimi siulersuisut akissarsisitsisarnermut politikkip malinneqarneranik nakkutilliinermut malittarisassat aaliangertussaavai, taakkulu ilaatigut isumannaarinnissutaassapput, minnerpaamik ukiumoortumik politikkip ilumut naapertuisumik malinneqarneranik. Taamallu misissuineri angusat siulersuisunut nalunaarutigineqartassapput.

Ulloq 08. februar 2018

Akissarsiaqartitsisarnermut ataatsimiititaliaq

Gunnar í Liðá
Siulittaasoq

Kristian Lennert
Siulittaasup tullia

Yvonne Kyed
Siulersuisunut ilaasortaq



Oqaluuserisassani imm. 5-imut ilanngussaq

GrønlandsBANKENip siulersuisuunut ilaasortassanik pissarsiornini ingerlattarpaa tunngavigalugit, ilaasortatut issiasut siammasissumik aningaaserinermut naatsorsuoorinermullu ilisimasalinnik, niuertutut misilittagaqartunik kalaallilu inuiattut qanoq ingerlaaseqarnerannik ilisimaarinnilluartunik katitigaasumik inuttalersomeqarnissaanik kissaatigisaasut tunngavigalugit. Siulersuisunut ilaasortassanik pissarsiortarneq ingerlanneqartarpoq piumasarineqartutut taaneqartut tunngavigalugit, suleriaaseq aaliangersimasooq tunngaviginagu.

20. marts 2018 ataatsimeersuarnissamut atatillugu piukkunneqartut uku qinerneqaqqittussatut inassutigineqarput:

Kristian Frederik Lennert, 61-inik ukiulik, Nuummi najugaqartoq.

Pisortaaffigisai: Ejendomsselskabet Issortarfik ApS
INUPLAN A/S

Kristian Lennert cand. polyt.-itut ilinniarsimasuuvooq (sanaartornermut civilingenjörut) 1984-imiillu INUPLAN A/S-imi atorfeqalersimalluni, 2002-miit piginneqatigiiffimmi pisortatut. Taasallu saniatigut Kristian Lennert kalaallit piginneqatigiiffini siulersuisuni suliaqarnernik misilittagaqartuulluni, atorfinilu aqqutigalugit Kalaallit Nunaanni inuiaqatigiit aningaasaqarniarnernannik nunamilu pissutsinik ilisimasaqartuulluni, minnerunngitsumik inissialiornernut sanaartornermullu attuumassuteqartut iluini. GrønlandsBANKENimi siulittaasunut qinerneqaqqaarpoq ukioq 2003.

Anders Jonas Brøns, 68-inik ukioqarpoq, Nuummi najugaqartoq.

Pisortaaffigisai: Polar Seafood Greenland A/S

Siulersuisunut ilaasortaaffigisai: Minikka A/S (siulittaasutut)
Polar Raajat A/S (siulittaasutut)
Polar Seafood Denmark A/S
Imartuneq Trawl A/S (siulittaasutut)
Qalut Vónin A/S
Sigguk A/S (siulittaasutut)
Uiloq Trawl A/S (siulittaasutut)
Qajaq Trawl A/S (siulittaasutut)
Polar Pelagic A/S (siulittaasutut)
Grønlands Skibs- & Entreprenørværksted ApS (siulittaasutut)
Polar Wine ApS (siulittaasutut)
IKKA ApS

Anders Brøns niuernermik ilinniarsimasuuvooq 1984-imiillu kalaallit avataasiorluni aalisarnermik tunngaveqanerumik inuussutissarsiornermik ingerlatsi-neranni peqataasimalluni, namminersorluni niuernermik ingerlatsisutut ilaatigut Polar Seafood-gruppimi 1984-imiillu pisortaasutut aammali aalisarnermik ingerlatseqatigiillutik suliniaqatigiiffinni 1977-imiilli suleqataasarsimanermigut. GrønlandsBANKENip siulersuisuunut siullermeersumik qinerneqarpoq 1997-mi.

Siulersuisunut piukkunneqartutut nutaatut inassutigineqarpoq:

Maliina Bitsch Abelsen, 42-nik ukioqarpoq, Nuummi najugaqartoq.

Niuernermik ineriartortitsinissamut pisortaq, CCO: Air Greenland A/S

Siulersuisunut ilaasortaaffigisai: Nuup Bussii A/S (siulittaasutut)
Grønlands Rejsebureau A/S
UN Board of Indigenous Peoples Partnership Programme

Maliina Abelsen cand. scient. soc.-itut ilinniarsimavoq mastergradeqarfigalugu Policy and Applied Social Research. 2016-imiilli Air Greenlandimi kommerciel direktør-itut inissisimalersimavoq akisussaaffigalugit niuernikkut ineriartortitsinissaq, tuniniaaneq ussassaarinerlu. Maliina Abelsen 2014-imiit 2016-imut Arctic Winter Games 2016-imi pisortaasimavoq, Inatsisartunullu ilaasortaasimalluni 2009-miit 2014-imut ukiullu taaneqartut taakku iluini taaneqartuni Naalakkersuisutut issiasarsimalluni kingullermik 2011-imiit 2013-imut Aningasaqarnermut Naalakkersuisutut. Maliina Abelsenilu Genève-imi inuit piginnatitaaffiunut qullersaqarfimmi atorfeqarnikuuvooq Nuummilu nunanut allanut nalakkersuisoqarfimmi aamma atorfeqarsimalluni.

Ben Arabo, 44-nik ukioqarpoq, Tórshavnimilu najugaqarluni.

Pisortaaffigaa (CEO): Betri Holding A/S

Ben Arabo Betri Holding A/S-imi CEO-juvoq. Taanna Savalimmiuni aningaaserinermik ingerlatsiviit annersarivaat 300 miss. sulisoqarluni. Suliffissuaqarfik Betri aningaaserivittut, sillimasiisarfittut, soraarnermusialeriffittut aammalu aningaasaliisartutut ingerlatseqataalluni suliffeqarfiuvoq. Ben Arabo nunanik allanik niueqateqarneq aallaavigalugu cand.merc.itut ilinniarsimasuuvooq aqutsinermillu misilittagaqartuulluni aatsitassanik ingerlatsivin-nit tunngaveqartumik. Ben Arabop immikkut misilittagaqarfigivai uuliasiornermut gasisiornermullu tunngasut, taakku iluini misilittagaqarfigalugit ingerlatanik/pigisanik tuniniaasarnit pisinartarnerillu, suliarinnittussarsiuussinerni ingerlaatsit aammalu Europami, Aasiame, Afrikap Avannaani Kangianilu Qiterlarmi pisortatut isumaqatiginniartarnerit. Ben Arabo Savalimmiuni najugaqarpoq siomatigullu Danmarkimi, Tuluit Nunaanni aammalu Indonesiamil najugaqartarsimalluni. Ben Arabop siulersuisuni ilaasortatut misilittagaqarfigivai IT-qarnermut, allakkerinermut aammalu aningaaserinermut tunngasut.



GrønlandsBANKEN